

herojski otpor stanovnika i branioaca Sarajeva u opsadi. Ovaj film upravo opisuje ključne događaje u odbrani glavnog grada, koje su izveli policijski pripadnici odreda pofaličke i velešićke policije iz Novog Sarajeva te odreda Buća Potok, te na taj način obezbijedili uvjete za napredovanje Armije BiH u pravcu Žuči, sjeverno od Sarajeva te spriječili prodiranje agresora u grad. Film također sadržava izrečene presude vojnom i političkom rukovodstvu VRS-a, tokom kampanje granatiranja i snajperisanja civila i glavnog grada tokom opsade Sarajeva, te na taj način promoviraju rad i nasljedje MKSJ/MRMKS.

Nakon premijernog prikazivanja filma, i objavljivanja na društvene mreže, autorska prava prikazivanja se prenose na Informativni centar Sarajevo za daljnje korištenje filma u edukativne svrhe kao i u cilju promoviranja rada izložbene komponente Informativnog centra Sarajevo.

Naziv aktivnosti: Polaganje cvijeća na ključnim lokacijama stradanja civila u Sarajevu

Lokacija: Naknadno (utvrđuje Organizacioni odbor)

Vremenski okvir: 05.04.2025. godine Satnica: Naknadno (utvrđuje Organizacioni odbor)

Učesnici aktivnosti: Delegacije Grada Sarajeva, strane delegacije, delegacije općina u sastavu Grada, Kantona Sarajevo i ostalih nivoa vlasti te predstavnici relevantnih udruženja

Napomena: Ovo je protokolarna aktivnost i nije izmijenjena.

III. REALIZACIJA PROGRAMA I LOGISTIKA

Za potrebe realizacije Programa formirat će se Organizacioni odbor koji će se potom podijeliti u timove koji će biti zaduženi za različite aktivnosti, uz obavezu koordiniranog djelovanja i održavanja zajedničkih sastanaka. Organizacioni odbor bit će zadužen, između ostalog, za: korespondenciju, organizaciju događaja, ishodovanje potrebnih dozvola, sačinjavanje listi učesnika, slanje poziva, protokolarnu aktivnosti, provođenje potrebnih nabavki i sl.

Organizacioni odbor će biti ovlašten i da izvrši dodatno preciziranje lokacija, satnica, učesnika i zvanica.

Odsjek za informisanje (Press služba) Grada će komunicirati sa medijima i sačinjavati saopćenja i medijske najave.

Sve potrebne nabavke za realizaciju cjelokupnog Programa provodit će se u skladu sa važećim propisima.

IV. FINANSIJSKA SREDSTVA

Za potrebe realizacije Programa sredstva u iznosu od 35.000,00 KM će biti obezbjeđena u Budžetu Grada Sarajeva na poziciji 614 300 - Primjena Odluke o uslovima i postupku prihvatanja pokroviteljstva Grada Sarajeva.

Broj 01/08-04-5030-1/24

23. jula 2024. godine
Sarajevo

Gradonačelnica
Prof. dr. Benjamina Karić, s. r.

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), kao i na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo ("Službene novine Kantona Sarajevo", broj 51/21), Gradsko vijeće Grada Sarajeva, na 42. sjednici održanoj dana 23.07.2024. godine, donijelo je

ODLUKU

O UTVRĐIVANJU POSEBNOG ZNAČAJA ZA GRAD SARAJEVO ZA UDRUŽENJE "ZAJEDNO SMO JEDNO"

Član 1.

Ovom odlukom utvrđuje se da je Udruženje "Zajedno smo jedno" od posebnog značaja za Grad Sarajevo, kao jedna od najuspješnijih nevladinih organizacija u Bosni i Hercegovini koja se bavi osnaživanjem zdravlja žena i pružanja direktne podrške oboljelim od karcinoma dojke, promocijom zdravlja svake žene i prevencijom bolesti, kroz implementaciju velikog broja različitih aktivnosti, a što predstavlja vrijednosti od posebnog značaja za Grad Sarajevo.

Član 2.

Djelatnosti Udruženja "Zajedno smo jedno" finansirat će se iz sredstava Budžeta Grada Sarajeva, iznosom od 10.000,00 KM (slovima: deset hiljada KM), kroz više budžetskih godina, odnosno dok Udruženje ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

Član 3.

Nadzor nad provedbom Odluke vrši gradonačelnica Grada Sarajeva putem nadležne Službe.

Član 4.

Izmjene i dopune Odluke vrše se na način i po postupku za njeno donošenje.

Član 5.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-972/24
23. jula 2024. godine
Sarajevo

Predsjedavajući Gradskog vijeća
Jasmin Ademović

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), kao i na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo ("Službene novine Kantona Sarajevo", broj 51/21), Gradsko vijeće Grada Sarajeva, na 42. sjednici održanoj dana 23.07.2024. godine, donijelo je

ODLUKU

O UTVRĐIVANJU POSEBNOG ZNAČAJA ZA GRAD SARAJEVO ZA UDRUŽENJE POMOZI.BA

Član 1.

Ovom odlukom utvrđuje se da je Udruženje POMOZI.BA od posebnog značaja za Grad Sarajevo, kao neprofitna humanitarna organizacija koja svojim djelovanjem pomaže socijalno ugroženim ljudima na području cijele Bosne i Hercegovine i šire, a što predstavlja vrijednosti od posebnog značaja za Grad Sarajevo.

Član 2.

Djelatnosti Udruženja POMOZI.BA finansirat će se iz sredstava Budžeta Grada Sarajeva, iznosom od 10.000,00 KM (slovima: deset hiljada KM) za projekat "Restoran dobre volje" kroz više budžetskih godina, odnosno dok Udruženje ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

Član 3.

Nadzor nad provedbom Odluke vrši gradonačelnica Grada Sarajeva putem nadležne Službe.

Član 4.

Izmjene i dopune Odluke vrše se na način i po postupku za njeno donošenje.

Član 5.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-973/24

23. jula 2024. godine

Sarajevo

Predsjedavajući Gradskog vijeća
Jasmin Ademović

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), Gradsko vijeće Grada Sarajeva, na 42. sjednici održanoj dana 23.07.2024. godine, donijelo je

ODLUKU

**O DAVANJU SAGLASNOSTI GRADONAČELNICI
GRADA SARAJEVA ZA POTPISIVANJE SPORAZUMA
O DONACIJI STATUE VALTER**

Član 1.

Gradsko vijeće Grada Sarajeva daje saglasnost gradonačelnici Grada Sarajeva za potpisivanje Sporazuma o donaciji statue Valter Gradu Sarajevu.

Član 2.

Sporazum iz člana 1. ove Odluke bit će potpisan između Grada Sarajeva, kojeg zastupa gradonačelnica Grada Sarajeva prof. dr. Benjamina Karić, i Kineske fondacije za mir i razvoj koju predstavlja generalni sekretar Xu Jianguo.

Član 3.

Sastavni dio ove odluke je tekst Sporazuma o donaciji statue Valter.

Član 4.

Ovom odlukom stavlja se van snage Odluka o davanju saglasnosti gradonačelnici Grada Sarajeva za potpisivanje Sporazuma o donaciji brončane statue Vladimir Perić-Valter ("Službene novine Kantona Sarajevo", broj 18/24).

Član 5.

Ova odluka stupa na snagu danom donošenja, a bit će objavljena u "Službenim novinama Kantona Sarajevo".

Broj 01-GV-02-974/24

23. jula 2024. godine

Sarajevo

Predsjedavajući Gradskog vijeća
Jasmin Ademović

SPORAZUM

O DONACIJI STATUE VALTERA

Strana A: Kineska fondacija za mir i razvoj

Strana B: Grad Sarajevo

U cilju aktivne promocije prijateljskih odnosa između Kine i Bosne i Hercegovine, jačanja razumijevanja i prijateljstva između naroda dvije zemlje, Strana A i Strana B zaključile su sljedeći sporazum o donaciji spomenika Valtera nakon prijateljskih konsultacija:

I. Predmet saradnje

Nakon prijateljskih konsultacija između Strana, dogovoreno je da je Strana A odgovorna za angažovanje priznatih kineskih kipara za dizajniranje i izradu brončane statue (visina glavne skulpture visine 70 cm) narodnog heroja

Waltera i njen transport i instalaciju na lokaciji koju odredi Strana B. Strana A će donirati statuu Strani B bez naknade. Strana B je odgovorna za prijem donacije, pomoć prilikom postavljanja, upravljanja i održavanja statue i osiguravanje ostale neophodne koordinacije i saradnje za implantaciju projekta. Strana B je odgovorna za održavanje ceremonije otkrivanja spomenika i pozivanje Strane A da prisustvuje.

U tom periodu, obje strane će zajednički održati aktivnosti kulturne razmjene.

Strane su saglasne da će projekt započeti u junu 2024. i završiti do kraja oktobra 2024. godine, u ovisnosti od blagovremenog ispunjenja pristupnih uslova i relevantnih procedura za odobrenje.

II. Prava i obaveze Strane A

1. Strana A je odgovorna za angažovanje priznatih kineskih kipara za dizajniranje i izradu statue, prijevoz i instalaciju na lokaciji koju odredi Strana B i pokrivanje s tim povezanih troškova.
2. Strana A izjavljuje da ima pravno vlasništvo nad statuom i da nije koristila gore navedena autorska prava kao zalag ili ih ustupila drugim tijelima ili pojedincima.
3. Nakon što Strana B održi ceremoniju otkrivanja spomenika, kao što je zatraženo od Strane A, vlasništvo nad statuom će biti donirano od Strane A Strani B.
4. Strana A će napraviti i postaviti statuu na zahtjev Strane B i pomoći Strani B na ispunjavanju relevantnih pravnih procedura u skladu sa zakonom.
5. Strana A ima pravo istaknuti svoje ime i logo na istaknutom mjestu tokom ceremonije otkrivanja i relevantnih promotivnih aktivnosti projekta bez traga bilo čega što nije povezano sa umjetničkim djelom na statui.
6. Strana A ima pravo dobiti dokumente i materijale vezane za donatorske aktivnosti, uključujući, ali ne ograničavajući se na fotografije i video materijale vezane za ceremoniju otkrivanja i izlaganja statue.

III. Prava i obaveze Strane B

1. Strana B je odgovorna za određivanje istaknute lokacije od simboličkog značaja u Sarajevu za postavljanje spomenika.
2. Strana B je odgovorna za osiguravanje pomoćne opreme za instalaciju statue i koordinaciju na licu mjesta tokom procesa instalacije.
3. Strana B je odgovorna za prijem donacije i izdavanje zakonite i ispravne potvrde o prijemu Strani A.
4. Strana B je odgovorna za organizaciju ceremonije otkrivanja statue, pozivanje Strane A i predstavnika relevantnih institucija i pojedinaca da prisustvuju ceremoniji. Troškove vezane za ceremoniju otkrivanja pokrivat će Strana B.
5. Strana B će zajedno sa Stranom A održati relevantne aktivnosti kulturne razmjene.
6. Strana B će istaknuti ime i logo Strane A tokom ceremonije otkrivanja i relevantnih promotivnih aktivnosti. Mediji će biti pozvani kako bi promovirali aktivnosti donacije statue u cilju jačanja kinesko-bosanskog prijateljstva.
7. Strana B će se pobrinuti da su prijem ove donacije, ceremonija otkrivanja i relevantne aktivnosti u skladu s lokalnim zakonima i propisima.
8. Strana B će dostaviti relevantne fotografije, video-materijale itd. Strani A u roku od 10 radnih dana nakon uspješnog održavanja ceremonije otkrivanja spomenika.
9. Strana B će se brinuti o statui prije kraja aktivnosti i voditi računa o njenom integritetu i sigurnosti. U slučaju